

ALL NATIONS GOSPEL PUBLISHERS



www.angp-hb.co.za



info@angp.co.za

LE COEUR DE L'HOMME
OU
LE MIROIR SPIRITUEL DU COEUR

**[REPRÉSENTATION ALLÉGORIQUE
EN 10 TABLEAUX.]**

**ALL NATIONS GOSPEL PUBLISHERS
P.O. Box 2191, PRETORIA, 0001 R.S.A.**

(Une Mission de littérature évangélique financée de dons)

LE COEUR DE L'HOMME

Ce livret dérivé en France en 1732, a été révisé et a été récrit pour les champs missionnaires de l'Afrique par Rev. J.R. Gschwend en 1929 et postérieurement a été traduit, imprimé et protégé par les droits d'auteur en plus de 250 langues indigènes par "All Nations Gospel Publishers" qui les distribuent aujourd'hui parmi 127 pays missionnaires. Des gens de toutes langues, classes et religions sont introduits par ces livrets à éprouver la profonde vérité spirituelle du message de Dieu à l'espèce humaine comme énoncé par le prophète Ezéchiel en l'an 586 avant Jésus Christ.

"Je vous donnerais un coeur nouveau et une nouvelle âme alors vous serez mon peuple, et Je serais votre Dieu!" Ezéchiel 36:26-28.

OMUTHIMA W ' OMUNDU

**Obuhima bwa Nyamuhanga kutse ekyaghanda kya Sitani?
(1 Yohana 3:4-10)**

Ekithabu kino kyatsuk'erisakwa erimbere-mbere omo kihugho kye Ufransa, hakuhi emithutha amaghana abiri eyihwere. Ekithabu kino kyabiriha abandu bangyi b' ekyakakalha n'omuyisa munene. Ekithabu kino kikakolesibawa ng'ekisasamira ky'omuthima, abalhume n'abakali bangakolesyakyo n'eriyirebya emithima yabwo nga Nyamuhanga kwakalhangirayo. Abandu bangyi babirilhangira emithima yabwo y'ebibi, neryo babirisuba oko muthima (eriyengehulha) neryangirira emyeyo mihya-mihya n'emithima mihyaka busana n'ekithabu kino.

Omughulhu ukasoma ekithabu kino wibuke ngoko ni kisasamira kyomuthima ekyowangathoka erisoma n'eriyilhangira. Wamabya uthewikirirya kutse 'mukristo oyawabirisuba enyuma, ukan-diyirebya nga Nyamuhanga kwakalebaya emibere yawu. Nyamuhanga syaliyira buthagha, akalebaya omuthima musa ngokwasosire, syatsomene obusu kutse obubuya bw'omubiri.

Sitani n'ise w'ababehi bosi, ni mukulhu w'omwirima kandi ni nyamuhanga w'ekihugho kino. Akayihindulha omokisosekanio kya malaika w'ekyakakalha. Nikwa kwenene, iyo si malaika ngoko abandu bangyi bakamusosekanaya. Abandu ngabo bakahithana busana n'ekisosekanio ekikakanganaya Sitani kwasosire. Ngokobinathulha na kera, na hatya hane abakwenda abamabehi, abakakolha omubiri gho'mobuha n'eriyiye mo bakwenda ba Kristo. Kusangwa na Sitani nayo akayibindulha mo malaika w'ekyakakalha (2 Abanyakorinto 11:13,14). Sitani akaliba ameso w'obulengekania bw'abandu, baleke erilhangira olhwanzo lhwa Nyamuhanga, kutse ulhukengerwa n'erisikibwa riwe, nibya isibalhangira Omuthongolya wabo, Yesu Kristo (2 Abanyakorinto 4:4). Abakoli be 'bibu bwosi n'abathikirirye ni baholi omo kirimu kandi ni ndimethime okwilhangira ebya Nyamuhanga. Bakathabalahwa n'omulimu w'ekihugho kino (Abanyaefeso 2:1-2). Ameso wabo athethalibukalha bakalhangira emibere balimo, erihwerekerera ryabo riri hakuhi. "Kyaleka Omughalha wa Nyamuhanga iniaminykalha ni busana n'erihwerekererya emibiri ya Sitani (1 Yohana 3:7-8). "Neryo muyihire oku Nyamuhanga.

Nikwa mulhwe na Sitani, nayo asyabasagha. Mwase hakuhi na Nyamuhanga, nayo akandiseghera hakuhi nenyu" (Yakobo 4:7-8).

Omughulhu ukasoma ekithabu kino nerirebya ebisosekanio ebirimo, ukandithoka e rilhangira omuthima wawu ngokwari. Wulighe Nyamuhanga akoleraye omuthima wawu ngokwasosire, kandi wikiriraye ngoko-uli ngoli y'ebibi, kusangwa Ekinywa kya Nyamuhanga kikathubwira kithi: "Twamabugha thuthi sithuli kw'ebibi, ithukayitheba, ekwenene isiyiri omwisi syethu. Nikwa twamakanga ebibi byethu byo ku Nyamuhanga, Iyo sialisighaniraya, kandi athunganene, asyathughanyira ebibi byethu nerithwery oko bithathunganene byosi.

"Thwamabugha thuthi sithwethakolha ekibi, thukamuyira m'omubehi, n'ekinywa kiwe sikiri omwisi syethu" (1 Yoh. 1:1-10). "Omusasi w'Omughalha wiwe, Yesu, akathweraya kw'ebibi byosi".

Obuyingo bwawu buthaberwe Nyamuhanga kutse Sitani? Wuli mukobe w'ekibi kutse mughombe wa Nyamuhanga? Ekibi kyamabya ekyokithaber obuyingo bwawu, isiwayihambulhaya ukayighana, naho ibbwa uhakire Nyamuhanga. Akandikuboholha omwisi wa Yesu Kristo oyowasa munakihugho erilhamya ab'ebibi, eritsutsanga obuthoki bwa Sitani n'ekibi ebyathubyako. Iyo ni Mulhamya wethu. Wuli embere sy'obusu bwa Nyamuhanga oyubuyirire, kandi oyowasi esyombitha syawu syosi n'ebibisamire om'obulengekania bwawu n'omobuyingo bwawu. Rikalire eriyibisa n'eribisa eby'esonye ebyowukayikolesaya, Nyamuhanga oyowabumba amathwi wethu, siendisyowa? Yowabumba ameso wethu, siendirebya? (Zab. 94:9). "Kusangwa ameso w'Omwami Mukulhu akalhaba-lhaba omo kihugho kyosi, eriyikanya mw'owamaka busana n'ab'omuthima owahikene kw'lye" (2 Emyatsi y'Emighulhu 16:9). "Kusangwa ameso wiwe ali oko syonzira sy'omundu, akalhangira eribasulha riwe ryosi. Sihali omwirima, kutse ekyutsutsu. Aho abakoli b'ebibi bangayibisa" (Yobu 34:21,22).

"Nikwa Yesu mwathayiketharabo, kusangwa abya asi abandu bosi" (Yohana 2:24). Busana n'eki "Omuyisa ali kw'oyo wabiribuyirwa oko malholho iwe, ebibi biwe byabirighanyirwa" "Omuyisa ali oko mundu oyo Mukama athesyaghanza kw'ebibi, n'omokirimu kiwe sihali eritheba" (Zaburi 32:1-2, 51). Na munabwire Yesu anemubirikira athi: "Mwase kw'Ingwe inywebosi

komukanuba n'erithoherwa, naghe ngandibaha eriluhuka” (Mathayo 11:28).

Erikumbulha Ry'ebisosekanio

EKISOSEKANIO KY ' ERIMBERE

Ekisosekanio kino kikakanganaya omuthima w'engoli y'ebibi oyuthewikirirya Kristo, 'Mulhume kutse mukali. Ekithabu kya Nyamuhanga (Ebaibuli) kikalulha omundu oyo mo 'ngoli y'ebibi, oyobuyingo bwiwe bukasondolhawa n'omulimu mubi wa muna kihugho n'esyongumbu syakyo. Eki ni kisosekanio kya kwenene ngoko Nyamuhanga akalhangira omuthima w'omundu oyo. Ameso wiwe w'olhukulha-kulha akakanganaya obukundiya miro) “Nindi ali n'obulighe? Nindi ali n'eriaghalhwa? Nindi awithe ebironda ebithawithe ekikaleka? Nindi awithe ameso aghatsukire? Abakasiba endambi nyiri omo bwabu; Abakayasonda-sondaya obwabu obuthulhungene. Isiwasalimalira obwabu omughulhu bughatsukire, omughulhu bukabimba omo lhuthehi, omughulhu bukandaghalha bukamereka. Oko nduli bukalhuma ng'enzoka, N'eribanda ng'enzwira. Ameso wawe asyalhangira emyatsi y'ehandi, N'omuthima wawu asyahulhukya emyatsi eyihengemire” (Emiso 23:29-33).

Ahikwa oko muthwe ukalebaya omuthima w'omundu. Omo muthima oyo mwikere ebisoro muthina-muthina, ebikakanganaya ebibi ebya buli muthina omo muthima w'omundu. Omuthima ni bwikalho bw'ebibi byethu. Nyamuhanga athi: “Omuthima ni w'eritheba kwilhaba emyatsi yosi, kandi alhwere endwalha mbi. Nindi yowangathoka eriminyagho?” (Yeremia 17:9).

Na Yesu nayo mwahamya oko mwatsi oyu athi: “Kusangwa omo muthima w'omundu omwisi mukalhwa amalengekania mabi, erisingira, eriiba, erritha, erithetha, omwiso, erikolha nabi, eritheba, engumbu nyibi, ameso mabi, eritsuma, erianza o bukiru, Emyatsi eyo yosi ikalhwa omwisi, nayo ikayira omundu mo mubi” (Mariko 7:21-23).

1. ENYONYI. - Enyonyi eyi ni mbuya kandi yiwithe ebyeya ebikangire, kandi niby'emirera-mirera, ebyeriswekya. Enyonyi eyi ikasosekanibawa n'ekibi ekyeriyihama. Ye Lhusifa (Engunuunu y'engyakya-ngyakya) oyowabya malaika w'embaghane, ow'ekyakakalha; mwathalya ekitsumbi kiwe neriyiyira mo nzighu



ya Nyamuhanga busana n'eriyihamya. (Isaya 14:9-17; Ezekeli 28:12-17).

Eriyihamya rikayikanganaya omomibere mingi. Abandi bakayihamaya busana n'ebindu bingi, kutse kusangwa ni batheke, bawithe obusoki n'ebihunzi, esyonde, amanyumba n'amalima mabuya, esyongyimba esyobughuli bunene, ubusu bubuya n'omubiri mubuya. (Isaya 3:16-24) N'abandi hakuhi bakaghenda ndumbu bathoke erika ngania omubiri wabo kwali mubuyanga. N'abandi bakayihamaya busana n'eb ihanda byabo, ekitsumbi kinene, amenge, kutse akaghala akerikolha emyatsi 'yeriswekya munakhugho, n'omoyindi mibere mingi eyithatholere. (1 Petero 5:5). "Kusangwa Nyamuhanga akalhwa n'abakayihamaya, nikwa akaha ulhukogho oko 'bakayikehaya". Nyamuhanga sizanzire oyukayihamaya n'eriyiyira mo w'ekitsumbi. (Emisyo 16:18). "Eriyihamya likaletera erihera, N'ekirimu ky'eriyipipa kikakolhaya okwithera".

2. EMBWA. - Embwa ni kisocekano ky'esyongumbu sy'omubiri, ubusingiri, n'olhuthetho. Abandu bangi babiribya ng'esyombwa, ehosi-hosi bakaya bakayikolesa ebyesonye, abalhume n'abakali eriyanzirira oko bandi. Oko biro bino byenduli, ulhuthetho n'obusingiri byamakanya kutsibu muna kihugho. Abathabana n'abambesa sibakithoka eriyirinda, nomobangabya 'balhume bakulhu abathahirye n'abakali 'abathahibwe. Kutse nomobangabya bakwakali aband nabo babirihakwa n'ekibi ky'obusingiri. Ekibi ky'Esodomo kyabiriherya obuyingo bw'abandu ebighonye n'ebighonye. Omwami Yesu mwasangwa alhaghulha athi: Ebiro by'endli bikandisyabya nga Sodom na Gomora. Abandu b'ebindi bihanda nga Abamaragoli n'Aba Jaluo bakahulha omusingiri mo "mbwa". Abasingiri sibendisyalya obwami bwa Nyamuhanga mo mwandu, "Kusangwa eyihya yiri esyombwa, n'abakumu, n'abasingiri, n'abiithi, na bakasaba esisumba, n'obuli mundu oyu kanza eribiha nerikolha amabehi". (Eribisulirwa 22:15). Busana n'ekyo musaghe amaraghane. (1 Abanyakorinto 3:16-18; 6:15-20).

3. ENGULHUBE (ENDASIRI). Engulhube kutse endasiri, ni kisocekano ky'ekibi ky'ethamiro n'eky'omururu kutse eririra-ndulike. Engulhube ikalya ekyosi-kyosi ekyeyikabana. Sirisombolha kibi na kibuya. Na bandi bandu kuthya bakalya esonyama esy'ebisoro ebikayiholera, kutse ebirithibawa n'endwalha. N'abandi bakanywa omusasi w'ebisoro n'erira emitsiro eyo Nyamuhanga abugha athi isiyalibawa (Emibiri 15:20; Isaya 66:17).

Siritholere eritsandya emibiri yethu kusangwa ni buhima bwa Nyamuhanga, erithakunya kutse erinena ethaba n'eripulya ebithatholere, ebi bikatsandaya kandi nibya ni buthi omo musasi wabakabinywa, babohirwe omo muliki owakalire. Sitani akabiitha ekyaka ky'erinywa ethaba n'ebangi. Akaghalha ka Nyamuhanga kasa ko kangathoka eriboholha ababohirwe omo muliki oyu. Abandu bangi, bakulhu n'abalere bakabugha bathi: siki omundu nomwangathamira. Nikwa Ekithabu kya Nyamuhanga kithi: Sihali muthamiri oyukendisyalya obwami bwa Nyamuhanga mo mwandu. Obwabu si byalya, nikwa bukatsandaya obulengekania, ngendo nyingi abanywi bw'obwabu bakabya bikiru, bakanz'erisingira n'eriithangana. Bathethanywa isibangakolire emyatsi eyiri ngeyi (Emisyo 20:1 "Ebinyu bikasekereraya, n'obuhire kutsibu bukalettha erithamira; N'oyukathamirabyo si w'amenge"). Oko mighambo ya Musa, obuli mundu oyowaby'awithe omwana utyowa kandi ini mutamiri, omwan'oyo iniakaswiribawa omo mabwe inakwa (Ebilhaghiro 21:19-21). Abakahisay'obwabu nabo bali kwekibi ng'abakaghulhayabo n'abakanywabo, kusangwa Ekinywa kya Nyamuhanga kithi: "Obulighe okw'abo abali n'obulhume-lhume eripulya ebinyu; n'abandu b'amaka erithulhungania obwabu" (Isaya 5:22). "Obulighe okw'oyukaha mulikyabo erilhumba, imukathomeka obuthi bwenyu mubo, irimukundisya nibya, neryo imwathoka erilholha oko ndumbu yabo!" (Habakuki 2:15). "Simuthebibawe; abamaraghane kutse abasabi b'esisumba, kutse abasingiri, kutse abalhume abakathethana, kutse abiibi, n'abahungyi, kutse ABAKUNDIRYA, kutse abakatsuma, kutse abanyeyi sibendisyalya obwami bwa Nyamuhanga m'omwandu". (1 Abanyakorinto 6:9,10).

"Nikwa emibiri y'omubiri yiminyikere yeyi: Erisingira, ebikiith'esisoni, amaraghane, erisab'esisumba, Erilhaghuha, obuyighu, erilhwa, obuuha, erihithana, obwanise, eriyisyetha, erighabana, eritsura, erithamira, omwiso, n'ebisosire ebi, Abakakolha ebiri bitya sibendisyarya obwami bwa Nyamuhanga m'omwandu" (Abanya-Galatia 5:19-21). "Kandi simuthamire omo bwabu, kusangwa hali erithamira, nikwa musulibawe na Kirimu Abuyirire" (Abanya Efeso 5:18). Yesu Eyisoko y'obuyingo anemubirikir' abakwir'enyotha athi: "Omundu amakw'enyotha, ase kw'ingye apulhaye amaghetse w'obuyingo" (Yohana 7:37,38). "Mwase! Inywe 'bosi abakwir'enyotha, amaghetsi w'obuyingo ali hano. N'inywe muthawith'esyombulho mwase, mughule amathe n'ebinyu butsir'esyombulho, kandi butsira bughuli. (Isaya 55:1,2) "Nikwa omundundi oyukapulhay'amaghetsi nasyamuha sien-

disiyakw'enyotha kera-na-kera; nikw'amaghetsi ayo nasyamuha asyaby'omwisi wiwe eyisoko y'amaghetsi awakakunujuk'erihi-k'oko 'buyingo obuthendisayahwaho" (Yohana 4:14).

4. AKANYANGOGHOTH. Ekisosekanio ky'Akanyan-goghotho n'erighenda ryako bolho-bolho, biri ng'ekibi ky'obughatha, obuthowa n'obulhaghu. "Kusangwa erilholho lyeriyisambulha liri ng'erilholho ly'obulhaghu, n'obuthabwirika buli ng'ekibi ky'erisab'esisumba" (1 Samweli 15:23). Ngendo nyingi omughatha akayithnira lhuba, sialisika omwirengwako. Akanza eriiba kwiilhaba eriyikolera. Esindi ngendo obwibi bukaleka inahik'okwiitha omundu imwathok'eriiba.

Obughatha 'bw'omomuthima bukakolhay'omundu y'okoluholho
lhwa kera-na-kera. Obughatha bukathuthang'erisaba
Nyamuhanga, erisom'Ekithabu kiwe, n'eriangirira erilhagha liwe
'kwithwe. Nyamuhanga akaby'amabugh'athi munabwire
umuh'omthima wawu, Sitani nayo akasa lhuba n'erikubwir'athi:
mwonz'eyihi, butsira hatya, kutse ulind'omungya, kutse ulinde
ekindi kiro. Thami, wanganasyathayirindiriry'ekiro-oko-kiro,
ekirim'okindi; kutse nibya kya muyisa mubi iwananuka isiwuli wan-
girira Yesu m'Omulhamya wawu. Nyamuhanga athi: "Munanbwire
omughulhu mukow'omulenge wiwe, Simukalhay'emithima yenyu".
(AbaEbrania 3:7,8). Abandu bangyi babiriholha omorindi-rindi
eyitkehwa. Omungya si kiro kyawu.

Abathahwa, kutse abalhoyi banzire erikolesya ekikuku ky'akanyangoghotho omo busakyi kutse omwilhaghulha ryabo. Akanyangoghotho kali ng'ekibi ky'eriyikether' obusakyi, kwilhab'eriikethera Nyamuhanga ow'obuyingo. Omomughulhu w'obulhwere kuts'amalighe, litholere erilhakira Nyamuhanga ow'obuyingo kwilhaba eriyikethera obusakyi. (Ebilhaghiro 18:10-12; Abalhawi 19:31; 20:6,7). "N'omundu oyukabindukira ab'emirimu n'abakumu, okw'ithethana nabo, nasyahinira omundu oyo, n'erimulhusya omo bandu biwe. Neryo muyihigule, mubyeb ababuyirire; kusangwa Indi Mwami Nyamuhanga wenyu".

Yesu Kristo yo Mulhamya w'omuthima, omweyo n'omubiri wethu. "Akathubuyir'ebibi byethu byosi, Akalhamay'amakoni wethu wosi". (Zaburi 103:1-3). "Hali omukathi-kathi kenyu oyu lhwere? Abirikire abakulhi b'Ekanisa, bamusabire, nerisaba eryerikirirya ryasalyhamya omundu ulhwere oyo. N'Omukama asyamuhanga; amabya alikolire ebibi, asyabuyirwa" (Yakobo 5:14-16).

Umughulhu ukasoma akathabu kake kanu, uminye uthi Nyamuhanga anemubugha nawu athi wusube oko muthima wulek'ebibi, wumuhe obuyingo bwawu bosi. Kwa muhwa omuthima wawu owali ng'akanyangoghotho akakubwira athi: Mwongo eyihi, wasikiriry' omungya, kutse kindi kiro, kutse oko kindi kirimo. Kutse wathatsuka wabulya ibbawe, kutse mukali wawu, kutse thatha wawu.

Busana naki ukaligha omulenge wa Sitani kwilhaba omulenge wa Nyamuhanga kwehi? Wabiriyising'erikalya omuthima wawu ng'ekikuku ky'akanyangoghotho.

5. ENGWE (ESORO). Engwe ni kisoro kibi, kikalire kandi kyanzire eryuth'omusasi. Ekibi ky'ekinigha, obwiithi n'amalhwa kiri ng'esoro. Omundu oyuwithe omuthima owalyathya akakolh'ebithatholere, eritsuma, ekinigha n'eriitha. "Nikwa lino mulhusaye ebibi byosi: erihithana, eriaghalirwa, ekinigha, erituma, eribugha eby'esisoni erilhwa omo buno bwenyu" (AbanyaKolosai 3:8). Abandu bangyi bakaba-n'obulhume-lhume babiithamira, neryo ibakolh'ebithatholere omo meso w'abandu. "Ebinyu byabo ni buthi bw'esyonzoka, N'obusewe obukalire bw'enzwira (Ebilhaghiro 32:33). Abandi bakanza eriyikisya okosyon-zighu syabo, nikwa Yesu athi: "Wanze mulikyenyu ngok'uyanzire" (Mariko 12:31). Kandi athi: "Mwanze esyonzighu syenyu" (Matayo 6:12). Nyamuhanga athi akandisyathubuyir'ebibi byethu, nethu twamabuyir'abakathukolha nabi.

6. ENZOKA.ENZOKA moyathebya Adamu na Hawa omwirima rya Edeni n'eritsandya obughuma bwabo na Nyamuhanga. Sitani mwabya n'omwiso erilhangira Nyamuhanga kwanzire Adamu na Hawa, abandu b'erimbere. Kandi mwabya n'omwiso kusangwa Nyamuhanga mwahamulhabo erithabalha oko bihangwa biwe byosi. Busana n'omwiso Sithani mwatwamo eritsandya, kutse eriherya obughuma obwabyaho ok'omundu na Nyamuhanga. Mbino nawu omwiso owali om'omuthima wawu wakale uthabya n'ebitsange omughulhu abandi bakatsema n'erikalha buholho. Litholere abakristo abakakolera Nyamuhanga ibayitheya ok'omuthima mubi w'omwiso wa Sitani. Nyamuhanga amakolesya n'eritsumulha mulikyenyu kwilhab'iwe, isiwabya n'omwiso, kusangwa omwiso ni kibi kandi akalethera ebirengekanio binene, nerihik'ok-wikolha abandi bo nabi n'eritsandya obuholho bwabo. Omwiso akalire ng'oluholho.

7. EKIKERE. Ekibi ky'obukurungu, kutse eryanza Obusoki bunene kuts'ebihunzi kiri ng'ekikere. (1 Timoteo 6:10). "Eryanza esyombulho ni mulihi w'ebibi byosi". Omo kihugho ky'Ekongo muli ebikere eby'oghundi muthina, ebikalya esisesekera (omuswa) erihika ahokindathulikira n'obughuthe bunene. Omundu w'omururu sialyanza erihitya kutse eriha enzama. Akasonda athi ngumbe ebyosi ibyabya biwe iyowene, omo nzira yowene kutse omoyithathunganene. Mukama Yesu mwabugha athi: "Simuyibikire bindu munakihugho, aho ehinyurughunzu n'amakenge bikaheraya, kandi aho abarahi bakathulha n'eriiba. Nikwa muyibikire ebindu elhubulha, aho ehinyurughunzu n'amakenge bitheheraya, Kusangwa ahali ebindu byawu, ho muthima wawu asyabya nibya". (Matayo 6:19-21).

Iyo Akana n'erhika liwe mobiithwa omo mabwe busana n'eryana'emiringa, ebitsipa n'esyongyimba mbuya. (Yosua 7). Na Yuda nayo oyowabya omwigha wa Yesu, mwayihanika busana n'eryanza esyombulho esyaleka iniahothera Mukama wiwe.

Esyombulho nyisa si nyibi kuts'emiringa. Nikwa emibere eyukanzirasyomo yoyika-yirasyo mo nyibi. "Nikwa mulebaye, muyitheghaye n'omururu, kusangwa obuyingo bw'omundu sibuli busana n'obungyi bw'ebindu kutse obusoki bwiwe" (Luka 12:15-21). "Kusangwa omundu angabana endundi yahi amathund'ekihugho kyosi akathalya obuyingo bwiwe kwehi? (Mariko 8:36). Lebaya Luka 12:22-34.

8. SITANI. Iyo Sitani n'ise kutse thatha w'ababehi bosi n'abosi abakabugha amabehi. Yesu mwabugha athi: "Inywe muli bana ba thatha wenyu ye Sitani, n'esyongumbu sya thatha wenyu syomwanzire erikolha. Iyo abya mwiithi erilhwa nakera, isialihangana omo mwatsi wa kwenene, kusangwa sihali mwatsi wa kwenene omwisi wiwe. Omughulhu akabugha'mabehi, iniakabugh'ebawe iyowene: Kusangwa iyo ni mubehi na thatha w'amabehia (Yohana 8:44).

9. ENGUNUNU. Engununu ni kisosekanio ky'omweyo (omulenge w'omuthima) w'omundu. Omweyo akinire busana n'ebibi ebya buli muthina n'emibere mibi. Omweyo oyu siangasyathok'erikolha ngokoritholere. "Busana n'eritheba ryababehi emyeyo yabo iyamabihisibwa". (1 Timoteo 4:2).

10. ERISO. Eriso Iya Nyamuhanga rikalebay'ehosi-hosi, kandi likalebay'ebiyosi ebiri omo muthima w'omundu. Sihali ekibisamire omo meso wiwe. Busana nekyo Nyamuhanga asi kandi akalebaya ebirenganio byosi eby'embitha om'omuthima. Nomowan-gayikolesya ebibi by'omomwirima, omo musithu, kutse ehosi-hosi, Nyamuhanga analebiry'ebiyosi.

11. MALAIKA. Malaika ali ng'Ekinywa kya Nyamuhanga. Nyamuhanga akabwir'engoli, y'ebibi athi asube oko muthima, alighe ekyakakalha kya Nyamuhanga ky'omomthima wiwe. Nawu wahemba, umughulhu uksoma ekithabu kino Nyamuhanga anemubugha nawu busana n'obuyingo bwawu.

12. AKALIKUKU. Akalikuku ni kisozekanio kya Kirimu Abuyirire. Iye Kirimu wa kwenene, akakanganay'okwenene kwa Nyamuhanga; akakangay'abandu ekibi n'ekibuya, nerikangyabo ulhubanza Ihwa Nyamuhanga (Yohana 15:26). Kirimu Abuyirire siangikalha om'omuthima owali mw'ekibi.

Mulikyethu, wamaleby'uthi omuthima wawu ali ng'ekisosekanio kino, wulhakire Nyamuhanga, wumukingulir'omuthima wawu ekyakakalha kiwe kyangakoleryamo. Wikiriraye OMukama Yesu, iwalhamibwa. Inga Nyamuhanga anzire erikulhamya, kandi abirilhagha eribindulha omuthima wawu, erikuh'omthima muhyaka n'obule-ngekania buhya. (Ezekieli 11:19).

13. EBIRIMI BIKE-BIKE BY'OMULIRO. Ebirimi by'omuliro ebithimbire ok'omuthima, bikakangay'olhwanzo Ihwa Nyamuhanga ok'omundu w'ebibi. Nyamuhanga sianzire ekibi nikwa anzire omukoli w'ebibi, kandi sianzire omundu oyo akahika okwiholha omo kibi, nikwa abiduke erilhwa omo kibi erihik'obuyingo bw'erikotha (2 Petero 3:9). Yesu mwasa arisyalhamya abakolha nabi. Kandi elhubulha yiri eritsema rinene busana n'owebibi oyukasub'ok'omuthima (Luka 157). Kandi nibya ebirimi ebi bikakakanganaya omusasi wa Yesu Kristo- Embuli ya Nyamuhanga, oyukalhusay'ebibi by'ekihugho (Yohana 1:29).

EKISOSEKANIO KYA KABIRI

Ekisosekanio kino kikakangay'omundu akatsuk'erisub'ok'omuthima (eribi-nduka) n'erikwama Nyamuhanga. Malaika anaham-



bire oko muyali ky'eKinywa kya Nyamuhanga "kiriho kandi kiri na maka". "Kusangwa Ekinywa kya Nyamuhanga kiriho, kandi kiwithe omuhwa, kandi kithwire kwilhaba omuyali owawithe amoya abiri, Kikatsimitha n'erighaba omuthima n'ekirimu, n'erighaba esyonungo n'omungoso. Kandi kikathoka erithwera erisonda n'amalengekania gh'omuthima (AbaEbrania 4:12). EKinywa kya Nyamuhanga kikamwibukaya ngoko "obuhingyi bw'ebibi ni luholho". "Neryo ngoko kyahirawa busana n'abandu eriholha ngendo nguma, n'enyuma w'aho Nyamuhanga iniatswerabo 'lhubanza". (AbaEbrania 9:27). Omughabo w'oyuthekiriye n'ow'ebibi akandisyabya omo ngetsi eyikaka n'omuliro n'obusingo (Eribi-sulirwa 21:8).

Omo kundi kuboko Malaika anahambire ekihangarara (ekikuha-kuha) ekithekoki, Ekihangarara kikakangaya kithi ithwe bosi litholere ithwaholha. Siki no mothwa-ngabya thwanzire thuthi emibiri yethu, eryambalyayo n'eririsyayo ebibuya-buya n'eriberererya esyongumbu syayo, nikwa thuminye kw'ikandisyaholha n'eribolha. Omubiri akandisyalibwa n'omuswa omughulh'oyo omweyo akandisyabya iniamabirighenda embere sy'ekithumbi ky'olhubanza kya Nyamuhanga.

Omughulhu omukolha nabi akowa erihana ery'eKinywa kya Nyamuhanga, akakingulira Yesu y'omuthima wiwe, Kirimu Abuyirire akakoleraya omwisi w'omuthima wiwe owali m'omwirima. Ekyakalha kya Nyamuhanga ikingiramo n'erihighith'omwirima wosi. Ahali ekyakalha omwirima sialbyaho. Nery'olhwanzo lhunene lhwa Nyamuhanga lhwamingir' om'omuthima owalhwe mw'embeho. Ebibi ebiryasosekanibawa n'esyosoro muthina-muthina byamabirihighithwa n'erilhusibwaho.

Iwe mukolha nabi, wikiriraye Yesu kusangwa yo kyakakalha 'ky'ekihugho, amingir'om'omuthima wawu akandikuh'obwiranda, omwirima n'emibiri y'omwirima bikandilhusibwamo. Ngoko wamalhangira omo kiosekanio kino, Yesu akabugha athi: Ingye kyakakalha ky'ekihugho, oyu kangwama siendisyaghendera om'omwirima, nikwa asyabya n'ekyakakalha ky'engebe (Yohana 8:12). Obulighe oko bakanz'omwirima kwilhaba ekyakakalha. Yesu aber'ingira om'obuhima (hekalhu), mw'eYerusalemu mahighitha abosi ababya bakaghulya esyonde n'ehirikuku, ... neryo mwabugh'athi: "Enyumba yaghe ikandisyahulhwa mw'ey'emisabe, nikw'inywe mukayirayo m'obwingira bw'abanyeyi" (Matayo 21:12,13). Enyumb'eyi w'omuthima wawu.



Yesu mwathethasa erisyathubuyir'ebibi byethu lisa, naho mwasa erisyathuthongolya n'erithuboholha erilhwa oko kibi n'obukobe bwakyo. "Neryo Mughala amababoholha, imwamaboholhwa kwenene" (Yohana 8:36).

EKISOSEKANIO KYA KASATHU

Hano thukalebaya omuthima w'omukolha nabi oyowabirisub'ok'omuthima. Akowa n'erilhangira obulitho bw'ebibi biwe, ebyaleka Yesu iniabambwa ok'omusalaba. Omuthima w'omukolha nabi akabbunika akalhangira omusalaba wa Yesu, akasweka kutsibu busana n'olhwanzo lhwa Nyamuhanga olhuli omwisi wa Kristo Yesu, oyowasa ng'Embuli ya Nyamuhanga n'erilhusya ebibi bingyi. Yesu mwaligha erikwa ok'omusalaba busana n'omukolha nabi.

Ni kwenene Yesu mwaghalibwa, mwaswiribwa, mwambalibwa embitha ya mahwa, mwakongomererwa emisumali omo byalha n'omo bisandu; mwahanikwa ok'omuthi busana n'ebibi byethu. Enzumw'eyi yoyikabbunanga omuthima w'oyowabiririgha erisub'ok'omuthima wiwe. Omughulhu akasoma eKinywa kya Nyamuhanga n'eriyitheghereryakyo, akayirebaya omo kisasamira kya Nyamuhanga, neryo aho akaminye omuthima wiwe kwali omo mwirima w'ebibi. Akowa iniamatsimithwa om'omuthima, akalira busana n'ebibi biwe neriseghera hakuhi na Nyamuhanga. Olhwanzo n'obuholho bya Nyamuhanga bikingira om'omuthima wiwe owabiryeribwa om'omusasi wa Yesu Kristo, ebibi biwe byosi ibyalhusibwamo. Akatsuk'eriminye ngoko "OMukama ali hakuhi n'ab'emithima ibbunangikire, Akalhamaya ebirimu bihimathangire" (Zaburi 34:18). "Akalhamaya ababbunikire omo muthima, Akasenga-senga ebironda byabo" (Zaburi 147:3). "... Nikwa nasyasamalira omundu oyukayikehaya n'ow'ekirimu kihehere, n'oyukathi-thimana busana n'ekinywa kyaghe" (Isaya 66:2).

Omuthima owabiryeribwa akathabalhawa na Kirimu Abuyirere n'olhwanzo lhwa Nyamuhanga. Busana n'erikirirya akabya -lebya omusalaba n'omusasi wa Yesu oghuthika busana n'ebibi biwe, omundu oyu akatsuka eriminye kwenene ngoko ebibi biwe byabiribuyirwa. Neryo akaminye nibya ngoko omusasi wa Yesu, Mughalha wa Nyamuhanga abiryeri ebibi biwe byosi (1 Yohana 1:7). "Omundundi oyukamwikiriraya siendisyahera naho ibbwa ali n'obuyingo bw'erikotha". "Omwisi wiwe thuwithe erithongolibwa

busana n'omusasi wiwe, eribuyirwa ry'ebibi byethu ngo busoki bw'olhukogho lhwawe" (Abanya-Efeso 1:7).

Hatya awith'ekirimu kihya omwisi wiwe, kandi siakyanzire eby'ekihugho kino. Nikwa ali n'omuhwa oko myatsi ya Nyamuhanga. Kusangwa abirisulibwa n'olhwanzo lhwawe Nyamuhanga. Esysoro (ebibi biwe ebilhwe om'omuthima) hathya siri eyihya y'omuthima, Sitani nomwangabya isianzire erilwaho, akinalibirye enyuma neriyisunza erithaswingira om'omuthima w'omundu oyu. Busana nekyo thutheghaye n'erisaba, kandi thulhwe na Sitani, nayo akandithusagha (Yak. 4:7).

EKISOSEKANIO KYA KANI

Ekisosekanio kino kikanganaya omukristo oyuli n'obuholho busana n'erithongolibwa om'obuhere bwa Mukama wethu Musabuli, Yesu Kristo. Busana n'obuhere obu: ekihugho kyabiribambwa oko musalaba 'kwiye, nayo oko kihugho. (Abanya-Galatiya 6:14). Akaminyi indi: "Iyo (Yesu) mwaheka ebibi byethu omo mubiri wiwe oko muthi, neryo ithwathoka eriholha oko bibi, n'eribiyaho omo rithunganene, ..." (1 Petero 2:24). Kusangwa omukristo abiribambwa n'ekihugho kino, busana n'ekyo indi thulendere omo Kirimu, isithwaberereraya esyongumbu sy'omubiri. Kandi nibya, "Muyitsinge eribya n'obuholho oko bandu bosi, neribya n'obubuyirire kandi butheho sihali mundu wasyalholha oko Mukama" (AbanyaEbrania 12:14).

Omo kisosekanio kino, ukalhangira obuhulhulha obwaboha Yesu, engunza y'esyombulho esya Yuda Iskariotha amughulhayako, ekanzu ya Yesu n'obukanga bakanga bakaghabana esyongyimba siwe (Zaburi 22:18), n'ebindi. Ekinigha ekyandibya kw'ithwe mukyahwera oku Yesu - Isaya 53:11,12. Ukalebaya n'erithumo erya basirikani bamutsimithamo (Yohana 19:33-37). Engoko-lhume yitheyabika, Petero mwayighana Yesu yo ngendo isathu athi syamwasi, naho ibbwa inyuma waho Petero mwalira n'erisuba ok'omuthima (Matayo 26:69-75). Nawu omomikolere n'omomibughire yawu, unemukangya ko wabiryangirira Yesu kwehi? Kutse ukinakw'esisoni erithulira abandu ko wabirilhama. Yesu athi: "Obuli mundu oyukanyikanganaya embere sy'abandu, naghe nasyamukangania embere sya Thatha waghe oyuli elhubulha. Naho ibbwa oyukanyighana embere sy'abandu, naghe nibya ngandisyamughana embere sya Thatha waghe oyuli

“Nabiribambwa oko musalaba haghuma na Kristo. Nikwa lino nyinehoKristo aneho omwisi waghe. N’engebe eyo nyiri nayo omo mubiri, nyiri nayo busana n’erikirirya Omughalha wa Nyamuhanga (Abanya Galathia 2:20).

“Oyukakinda, nasyamuha erirya oko 'bighuma by'omuthi w'obuyingo, owali omwirima ribuya rya Nyamuhanga (Erib. 2:7).



elhubulha” (Matayo 10:23,33). Kandi Yesu athi: “N’omundu oyutheheka omusalaba wiwe n’erinyikwama sianyitholere” (Matayo 10:38).

“Olhukuka olhusikire,
Ngabisama okwiwe,
Amaghetse n’omusasi, Ebyalhwamo,
Bikanyeraya kw’ebibi,
Bikanyikindira”.

EKISOSEKANIO KYA KATHANO

Ekisosekanio kino kikathukangaya, obuyingo bw’oyowabiryeribwa n’erilhamibwa om’olhukogho n’erighanyira rya Nyamuhanga. Lino omuthima wiwe abiribya hekalhu (obuhima) ya kwenene ya Nyamuhanga, eherikalha rya Nyamuhanga Thatha, oMughalha na Kirimu Abuyirire; ngoko Mukama Yesu abugha athi: “Omundu amanyanza, asyalinda ekinywa kyaghe, na Thatha waghe asyamwanza, nethu thwasyasa ’kwiyo, ithwakokoty obwikalho bwethu haghuma naye” (Yohana 14:23). Busana na Kristo Nyamuhanga abirisikya omundu, abirimutsumulha n’erimuhamba (Luka 1:52).

Hathya omuthima ngoko thukalhangirawo omo kisosekanio kino, abiribya hekalhu (obuhima) ya Nyamuhanga ow’obuyingo, ekibi kyabirilhusibwaho. Omo mwanya owalhwemw’ebisoro ebyabulimuthina - ebithaberwe na Sitani ise-wa-mabehi, hathya omwanya oyo ali mo Kirimu Ab uyirire. Omuthima abiribya ng’eririma ribuya erikabutha ebighuma ebyowene. Ebighuma by’eKirimu ni lhwanzo, obuholho, obutseme, erithindalhuha, obwenge, obubuya, erithindibirwa, eriyibombeka, eriyithya; sihali ekihano ekikalhwa n’ebi” (Abanya Galatia 5:22,23).

Oyuwithe omuthima owali ng’oyu, akabya ini ’muthahi wa kwenene, owakabutha ebighuma oko muzabibu wa kwenene, Yesu Kristo Mukama wethu. Eributha ebighuma y’omundu eribya omwisi wa Kristo na Kristo omwisi wiwe (Yohana 15:1-10). Kandi omundu oyukabika ekinywa kya Nyamuhanga omo muthima wiwe, akusulibawa n’eribatisibwa na Kirimu Abuyirire, Kusangwa Kirimu Abuyirire awithe akaghalha k’erikinda omubiri n’esyongumbu syagho. Oyuwithe omuthima owali ng’oyu, akaghendera omo Kirimu, sialibya busana n’ebyakalhangira, kutse ebyakowa, nikwa akabyaho om’obuholho, kusangwa awithe erikirira owa



Kristo Yesu. Eri ry'erikinda erikakinda ekihugho. Akabya n'erisika omo maha w'erisubulha rya Mukama wethu Yesu Kristo. Akikalha om'olhwanzo Ihwa Nyamuhanga olhukabyaho kera-na-kera.


"Bali n'omuyisa abemithima mibuya, kusangwa basyalholha ku Nyamuhanga" (Matayo 5:8). Omwami Daudi nomwanabya mutheke, mwakinda esyonzighu siwe, kandi nibya mwitha Goliathi n'abandi, naho ibbwa abyabulire 'kindu kighuma om'obuyingo bwiwe: Mwalira athi: Uhangike omuthima owerire omwisi waghe, lwe Nyamuhanga. Kandi uhire ekirimu kithunganene omwisi waghe. (Zaburi 51:10).

Sihali mundu oyowangerya omuthima wiwe kutse erihangika wo buhya-buhya. Wase oku Nyamuhanga n'eriyibombeka, w'ulek'ebibi byawu ng'omwami Daudi kwakolha. Nyamuhanga alindirire eryangirira omukolha nabi oyukasa 'kwiyo n'omuthima w'eriyikehya. Nyamuhanga athi: "... Kandi nasyabaha omuthima muhya-muhyu nibya, kandi nasyahira ekirimu kihya-kihya omwisi wenyu. Nasyslhusya omuthima w'eribwe owali omo mubiri wenyu, nasyabaha omuthima w'omubiri. Kandi nasyahira ekirimu kyaghe omwisi wenyu, neryo mwasyaghendera omo bihano byaghe ..." (Ezek. 36:25-27). Eyi y'Engulhu yowene eyothukathulira abandu busana na Yesu Kristo, Mughalha was Nyamuhanga.

Kandi omokkisekanio kino malaika ane-hakuhi eriwathikya oyowabirikirirya. Malaika wa Mukama akahimba erithimba oko'bakamubaha, Akalhamayabo (Zab. 34:7). "Kusangwa asyahamulha Abamalaika biwe busana nawu, erikulinda omosyonzira syawu syosi" (Zaburi 91:11). Kandi Sitani nayo animene eyihya y'omthima oyu, akasondekanaya omwanya w'eriswiringiramo. Busana n'ekyo indi: "Muyirinde, mulebaye, Enzighu yenyu Sitani ng'endale eyikaruruma nerighenda-ghenda, n'erisonda oyo yangalya (1 Petero 5:8). Nikwa mulhwe na Sitani nayo asyabasagha (Yakobo 4:7).

EKISOSEKANIO KY' ENDATHU

Ekisosekanio kino kikithay'obulighe kusangwa ni ky'omundu oyowabirisuba enyuma omwikirirya liwe. Eriso liwe lighuma lirimut-suka eriribana. Kikakanganaya kithi omundu oyu ali nerihuhirira n'othulho omo buyingo bwiwe bw'obukristo. Erindi riso liwe busana n'esisoni likalebaya eyi-n'eyi, erisonda eritsemesya ekihugho.



Ekyakakalha ekilhwe omwisi wiwe kirimutsuk'eririma. "Siakyanzire erylhaghalhwa haghuma na Kristo. Ali omwirengwako rinene, kandi alimuligha erirengwako kwilhaba erilhwa na Sitani. Akasombolha eryowa omulenge wa Sitani kwilhaba omulenge wa Nyamuhanga. Akinaghenda oko kosome neriyibisa, naho omo kwenene anzire eby'ekihugho. Abiriherya olhwanzo lhwilwe olhwerimbere oku Nyamuhanga, engununu (omweyo wiwe) yo momuthima wiwe yabiririma, n'omusalaba abirimulithohera kutsibu. Erikirirya liwe ryabiriholhoka, siakiri n'obughuma na Nyamuhanga omwisaba, abiribya mughatha omo muthima kusangwa abiriha Sitani y'omwanya (Abanya Efeso 4:27).

Omuthima wa kanyonyi k'emiyihalhambo alimusondekania eringira omwisi wiwe. Omundu oyowabirisuba enyuma akabya owerirume, sialibuka ngoko-alhamibawa om'olhukogho lhw Nyamuhanga. Ethamiro nayo yinemusond'eringira. Mbino owundi mundu akamubwira athi: "Unywa thuke siki!" Nikwa iyo siasi n'erinywa thuke koryanganamukolya oko thamiro nene. "Akusi kake kakakolhaya ok'ulhunene".

Ahandi Sitani akamubwira athi erikolh'ekibi kyo ngendo nguma nyisa siki, kutse erisingira ngendo nguma sikithireki. Sitani akabya abiiimubwira ebi neryo n'omulimu w'obusingiri inyingir'omomuthima owabya-iniabiryeribwa.

Omundu oyuli omo kiosekanio kino ngakatsimitha omuthima w'om'omuhamba, abo b'abandu b'ekihugho abakatsomereraya Abakristo b'omo binywa bibi, kutse omo mabehi, n'omundu oyu siangathoka erisika kusangwa abiritsuka erisuba enyuma. Nibya kusangwa olhwanzo lhwilwe lhwabirikeha, akakw'abandu b'obuba kwilhaba Nyamuhanga. Busana n'obuba bwiwe abiriyiyira m'omukobe w'abandu n'erisuba enyuma. Ekinigha n'erihithana byabiringira omomuthima wiwe, obilighe n'eryaghalhwa byabirithabalha omuthima wiwe, ebitsumi byoswire oko minywa yiwe eyithulha ikapipa n'erisaba Nyamuhanga. Sitani nayo akandibya amabiibana akanya kaake akeringiramo, akendingira n'erighalihya akanya'ko, neryo n'ebindi bibi ibyathoka eringiramo. Lyolhobire emyatsi eyi eribererera thwamathendithey erihana lya Yesu: "Mulebaye, Musabe, -simwingire omwirengwako" (Matayo 26:41). "Neryo oyukalengekanaya athi imene ndeke, ayitheghaye siayihinde" (1 Abanya Korintho 10:12). Neryo ritholere ithwambalha ebindu byosi by'amalhwa ebya Nyamuhanga, ithwathoka erihangana erilhwa n'amenge wosi wa Sitani (Abanya Efeso 6:11).



7

EKISOSEKANIO EKY ' ERIRINDA

Ekirosekanio kino kikakanganaya emibere y'omuthima w'omundu oyowabirisuba enyuma, abeere abiihabwa ekyakakalha n'obughuma na Kirimu Abuyirire ayithinira nerisuba enyuma. Kandi kikathukanganaya oyuthanzire erisub'ok'omuthima erilhwa omo bibi. Nomwangathulirwagho, akakalhaya omuthima wiwe ng'eribwe n'erilholhya emuliro n'erikolha nabi.

Yesu iyowene-wene mwabugha oko mibere ey'omundu oyowabirisuba enyuma athi: "Omughulhu ekirimu kibi kikalhwa oko munda kikalendera ahathe maghetsi, ikikasonda-sonda ah'eriluhukira; kyamabulhaho, ikyabugha kithi, Ngandisuba omo nyumba yaghe eyo nalhwamo. Neryo kyamabihkayo kikeya enyumba eyo iyinabirirye, iyinakomire, Neryo kikaghenda ikyalettha ebindi birimu birinda bibi kwilhabakyo, ibingira, ibikalhamo. Enduli yo munda oyo ikabya nyibi kwilhaba erimbere" (Luka 11:24-26). "Ryabirihio munda oyu omusyo wa kwenene athi: Embwa ikasubira ebisalho byayo, kandi athi: Engulhube (endasiri) eyiryanabibawa ikaswayighalha-ghalya omo Ihondo" (2 Petero 2:22). Amasako aya akakanganaya emibere y'omuthima w'omundu oyu. Ekibi n'erithebya iyakyo byabirikalha omwisi wiwe n'erimuthabalhako. Obusu bwiwe buakanganaya ngoko muthima wiwe abiritsanda. Kirimu Abuyirire abirilhwa omwisi wiwe kusangwa siangathoka erikalha ahali ekibi.

Kusangwa ekyakakalha sikiwithe omughabo n'omwirima. Omuthima siangabya buhima bwa Nyamuhanga kandi bwikalho bwa Sitani. Na malaika amabirilhwamo n'obulighe bunene, anakebere enyuma athi anguli omwinye omuthima oyu iniayisubamo ng'omwana oyowatsaha kwakolha. Omwana mutsahirya mwasuba ok'omuthima wiwe omughulhu abikere haghuma n'esyongulhube nerirya ebisakirya byasyo, abya isiauwithe oyo wangamuha ekyerirya nahake. Mwibuka emibere yiwe erisuba enyuma n'erihera liwe. Mwayisubamo athi: Ngandihangana n'eriya ku thatha waghe, nasyamubwiri nyithi, Thatha, nabirikolha nabi embere sy'elhubulha n'embere syawu, Sinyitholere eryahulhwa mo mughalha wawu (Luka 15:18,19).

Busana n'eriyisubamo liwe rya kwenene n'obulighe busana n'ebibi biwe, thatha wiwe mwamughanyira, mwamukolera obugheni bunene n'erimukerera ekyana ky'ende ekinenehire.

Ngoko kisošekanio kino kiri, omundu oyu siawithe omuthima 'weriyisubamo erimuwathikya erisuba ku Nyamuhanga, kutse eriasa emuliro sya Yesu n'erimughonga-ghonga athi amubuyire n'erimwerya. Omweyo wiwe abirihisibwa, abiriholha. Awithe amathwi, naho siangasyowa omulenge wa Nyamuhanga. Awithe ameso naho ibbwa siangalhangira ekyuna ky'ekulimu-habiri ekyakandithogheramo. Akakolha ebibi byoburora-rora, kusangwa Sitani abirithabalha omuthima wiwe, ikere okokithumbi kiwe ky'obwami. Omundu oyu akinayihalhamba oko mubiri kweyihya, busana n'obubuya bwiwe, ng'esisinda esihimbire ndeke nikwa omwisi muswire amakuha w'abahalire n'ebibi byosi (Matayo 23:27). Ise w'amabehe abiriirya omwanya wa Kirimu kya kwenene. Obuli kibi kiwithe omulimu wakyo mubi oyukakiwathikaya erithabalha omo muthima. Omundu oyu siangasyathoka eriyilhusya oko bibi kusangwa abiribya mukobe w'ebibi. Simweghaniraya erisuyira erikalire kwilhaba ritholere oko mundu oyukapona oMughalha wa Nyamuhanga, erihalya n'eritsomya omusasi owerilhaghana owahighulhamo, n'erihemulha eKirimu ky'olhukogho? ... Ni kindu kyeriubahya eriwa omo byalha bya Nyamuhanga ow'obuyingo (Abanya Ebrania 10:29,31; 2 Petero 2:1-14).

Thahi mulikyethu, iw'ukasoma ekithabu kino, omuthima wawu amabya kwalyatya, wulirire Nyamuhanga n'omuthima wawu wosi. Kusangwa iyo yowangathoka kandi ananzire akulhamaye n'erikubuyira ebibi byawu byosi n'erikwerya wamasa 'kweye. Wase n'omuthima oweribinduka eryekwenene. Kandi nibya Nyamuhanga angathoka eriboha Sitani n'abasirikani biwe bosi nerighusab'eyihya y'omuthima wawu, wamaligha uthi kikolhawe hatya.

Thahi nawu wase kwiye ng'omuhagha kwasa oku Yesu n'erimulhakira athi: "Wamabya wanzire wangathoka erinyerya" (Mariko 1:40-43). Naho ibbwa wamalholha emuliro n'erikalya omuthima wawu, kandi ukanza omwirima kwilhaba ekyakakalha, sihakiri maha kutse eriwathikibwa busana nawu, kusangwa wabirisombolha oluhulho kwilhaba engebe, n'omwirima omo mwanya w'ekyakakalha. "Kusangwa obuhingi bw'ebibi ni luhulho" (Abanya Roma 6:23).

EKISOSEKANIO KY ' OMUNANI

Omo kisošekanio kino thukalebaya omundu w'ebibi oyuwithe




omuthima owakalire, kandi oyowabirisuba enyuma. Omubiri wiwe oswire n'obuba bw'oluholho. Oluholho lhwamamwasira oko mughulhu athayitheghekirelho, ebisi-bisi by'Ekihugho byamahweraho, hatya ritholere inahabwa obuhingi bw'ekibi. Omo muthima wiwe akowa mo aryaghalhwa ery'ekulimu, ali n'obuba bunenee. Nomwanganasonda erisaba akayowa isiawithe 'bughuma na Nyamuhanga. Abira biwe b'ekihugho kino sibangasyathoka erimuwathikya nahake. Kandi nibya siangathok'eriyilhamia omo bindu ebyabya iniabirithunda n'eriyibikira. Ebindu ebi sibyangathoka erikehya okwighalhwa riwe, kutse erithomekera obuyingo bwiwe. Akalengaho erirengekania oku Nyamuhanga, naho ibbwa Sitani syalimuha kathambi na hake.

Obuli kindu kyosi ekyanzire muna kihugho hatya nakyo kikamukw'esyonye, n'abasondoli biwe b'amabehi nabo sibangasyathoka erimuwathikya. Lino amabiritsuka eriminye ngoko kiri kibi eriyithinira erilhwa omo byalha bya Nyamuhanga ow'obuyingo. Abandu bangyi bakaholha oluholho olhwerikanuka, isibawithe 'ndambi eyerisonda Nyamuhanga omughulhu bakinalhwere. Busana nekyo indi: Thusondekanaye Omukama, omughulhu akabanika. Omundu oyu mwaghana eKinywa kya Mukama ekyangamuwathikirye, omukolha-nabi oyu mwaghana erighanyira rya Nyamuhanga n'olhwanzo lwiwe omo buyingo bwiwe, hatya litholere iniowa omulenge w'omutswi w'esyombanza: "Ilhwa kwingye, iwe muthakirwa, ughende omo muliro wa kera-na-kera. Owahirawaho busana na Sitani n'abamalaika biwe" (Matayo 25:41). "Neryo ngoko ryahirawa busana n'abandu eriholha ngendo nguma, n'enyuma waho eritswerwa lhubi iryahika" (Abanya Ebrania 9:27).

EKISOSEKANIO KYO MWENDA

Omo kisosekanio kino thukalhangira omukristho wa kwenene, oyukasika omwirengwako ry'omubiri n'erya Sitani. Akalengewako kutsibu, naho ibbwa akasika erihika oko nduli. Abirikinda myatsi mingyi omo buthoki bwa Yesu Kristo, kandi nibya abiriberererya amathangwa aw'obukristho busana n'erisamalira Yesu oyowat-suka n'oyu kandisyaberererya erikirirya ryethu, ..." (Abanya Ebrania 12:1,2).

Sitani n'abandu biwe bakalengaho eribungira omuthima owikirirye n'erisondekania eribana akanya k'eringiramo, nikwa bakalhuha



buyira sibangabanako. Omo mwanya owalhwe mw'embwa n'esoro thukalhangira mw'embaya n'esabayiri (embarasi) kusangwa ngendo nyingyi ekibi kikayibisa kutse kikayihindulha nga kindu kibuya. Nikwa omukristho oyulholire akalhangira ekibi nomokyan-gayibisa kithi, nomokyangasira omo rina 'ry'edini kutse omo mibere yiri-yithi. Kusangwa eKinywa kya Nyamuhanga na Kirimu wa kwenene ebiri omwisi wiwe bikamusondolha omo mwatsi wa kwenene, kandi akathoka eriminye ekibi n'ekibuya.

Hakuhi n'ebisoro n'emirimu mibi ukalhangira ho mundu mughuma oyukahotholha kandi anawithe okwihanda ry'obwabu k'omo byalha biwe. Akalenga oko mukristho k'omo bisihire by'ekihugho kino n'omo bwabu n'erihotholha oko ngoma, ebyosi ebi sibyangathoka erikinda omukristho oyowabirireka ebibi by'ekihugho. Emyatsi eyiri ngeyi ikamusegheraya hakuhi na Nyamuhanga. Owundi anemumutsimitha omo muhamba, ebyosi ebi bikaghalhaya omuthima wiwe, ebitsumi, amabehi, erierendererya bikamwasira bikalhwa oko bathikirirye n'abakayahulha mo bakristho oko rina ko buyira, nibbwa isi kwenene. Omukristho wa kwenene akasika n'ebinywa bya Yesu: "Obutseme ni bwenyu omughulhu abandu bakabatsuma n'eribendererya, n'eribabughako emisindo yosi y'ebibi n'amabehi busana naghe. Mutseme, mutsange kutsibu, kusangwa oluhembo lhwenu ni Ihunene elhubulha ..." (Matayo 5:11,12).

Omughulhu wosi Sitani haghuma n'erilholho 'ry'enzuko bikabya ibinemusonda erimulhusya ok'olhwanzo lhwana Nyamuhanga. Naho ibbwa omwikinda n'erisika kutsibu akathoka eribugha athi: "Nindi wasyathughabulha oko lhwanzo lhwana Kristo? ni bulighe, kutse mithabu, erierendererya, kutse 'nzalha, kutse ndumbu, kutse ekyangitha? Eyihi, omo myatsi eyi yosi thulhabire aho eribya abakinda busana n'oyowathwanza" (Abanya Roma 8:35,37).

Busana n'eriambalha ebindu ebyosi eby'amalhwa ebya Nyamuhanga, omukristho wa kwenene akimana malhume kandi inianasikire omo biro ebyerirengwako. Na Kirimu Abuyirire akamukindira erirengwako ryosi ry'omubiri. Akaminye kwenene kwali n'akaghalha kwilhaba Sitani n'abakwenda biwe, kusangwa Kristo akiire omwisi wiwe. "Kusangwa oyuli omwisi wenu (Yesu) alengire oyuli omo kihugho (Sitani) (1 Yohana 4:4). Yesu Kristo mwakinda Sitani, ekibi n'oluholho, nethu omwisi wiwe thukayirawa mo bakakinda, thwangathoka erikinda n'eryam-balibwa embitha y'olhukengerwa.

Engununu (omweyo) y'omulenge w'omthima wiwe iminyikere n'erikolerya ndeke. Omuthima wiwe oswire nerikirirya, abirisulibwa na Kirimu Abuyirire. Malaika wa Nyamuhanga akabya inianemum-wibukya erilhagha erikandisyahabwa abakakinda erika erihika oko nduli. (Eribisulirwa 2:7,11,17,26; 3:5,12,21). Engunza eyisanzwire ikakanganaya yithi: omukristho oyu abiriha Nyamuhanga y'omuthima wiwe n'ebindu biwe byosi. Sialyanza erikolesya esyombulho siwe kutse obusoki bwiwe bw'oko bisi-bisi by'ekihugho, aliriryo akaghabira abatsandirya n'esyzonama, n'eriha Nyamuhanga y'ekighuma ky'erikumi oko byosi ebyakathunda; kandi nibya akaha ebihembo ngoko angathoka. Omo buli nzira kutse buli mwatsi, akakolesaya obusoki bwiwe om'olhukengerwa Ihwa Nyamuhanga. Obundu (omukati) n'erihere bikakanganaya bithi omukristo oyu awithe emibere mibuya kandi ikere ndeke, akalya ndeke. Sialipulhaya obwabu kutse erirya ebikatsandaya, "Baleke ebikatsandaya by'esisumba, n'erisingira n'ebinighire n'omusasi" (Emibiri y'Abakwenda 15:20). Sialitsandaya obusoki bwiwe bwo litya-litya kutse n'omubiri wiwe, kusangwa ni buhima bwa Nyamuhanga, sialipulhaya obwabu, eriry'ethaba kutse ebangyi, aliriryo akalya ebyalya bibuya ebikughuthaya n'erihimba omubiri wiwe. Omuthima wiwe ni nyumba y'emisabe, akaghenda oko kisomo busira eryusa. Akasabira omo kanisa n'eka wiwe. Akahindanaya aberihika liwe n'erisaba haghuma nabo, kusaggwa anasi erisaba ko ni ngabo y'omukristho.

Ekithabu ekisanzwire, emighulhu yosi akasoma Ebiblia, Ekinywa kya Nyamuhanga, akigha kyo ndeke kusangwa Ihwa Ihuseke Ihukakoleraya omosyonzira siwe syosi, kandi ni ky'erilhwamo kiwe n'erikinda Sitani. Ebiblia ni bundu bwiwe bw'obuyingo, bulikiro bukughuthaya omweyo wiwe. Kandi ni maghetsi w'obuyingo busana n'enyotha y'ekirimu kiwe. Ekinywa kya Nyamuhanga kiri ng'ekisasamira ekyakaleberaya mo muthima wiwe. Akanza eriheka omusalaba wa Kristo kusangwa anasi kwakendisayhabwa ebihembo busana n'eriheka omusalhaba wa Kristo. Kundi anasi kwabirilhubuka haghuma na Kristo, akahira obulengekania bwiwe bw'oku Kristo. "Mwamabya mwabirilhuka haghuma na Kristo, musonde-sonde emyatsi eyiri aho Kristo ali, anikere oko byalha by'amali bya Nyamuhanga. Muhire obulengekania bwenyu oko emyatsi eyiri endatha, butsira oko myatsi eyiri omo kihugho" (Abanya Kolosai 3:1,2). Akikalha inianalindirire erihindana na Nyamuhanga, kandi ali ng'omuthi owaherire oko musike w'olhusi, owakabutha ebighuma byagho oko mughulhu wabyo (Yohana

15:1-14; Zaburi 1:1-3). Omukristho oyu sialiubaha oluholho kusangwa olhwanzo Ihwa Nyamuhanga Ihuli omwisi wiwe (1 Yohana 4:18-21).

EKISOSEKANIO KY' IKUMI

Yesu mwabugha athi: "Ingye indi erilhubuka, n'obuyingo: oyukanyikiriraya, nomwangaholha, asyabyaho; n'oyu kiriho amanyikiriraya siendisyaholha" (Yohana 11:25,26). "Oyu kowa ekinywa kyaghe akiriraya owanyithuma, ali n'obuyingo bw'erikotha, isiendisyahika okwitswerwa lhubi, aliriryo abirilhaba erilhwa om'oluholho eriingira om'obuyingo" (Yohana 5:24). Oluholho silhuliitha buba kutse erisughira ok'omukristho kusangwa oluholho lhwabirimerwa omwikinda.

"Iwe Ihuholho, erikinda lyawu liri hayi? We Ihuholho, eritsimitha lyawu lirihi? Aliriryo ewasingya ok'oyukathuha erikinda busana n'oMukama wethu Yesu Kristo" (1 Abanya Korintho 15:54-57). Omundu oyukubaha Nyamuhanga sialisagha oluholho. Omughulhu akathambi kerilhwa muna kihugho kakahika, akaghenda inianatsemire om'omuyi athunganene owa kera-na-kera. Omukwenda Paulo mwabugha athi: "Ngasonda erighenda eriyabya na Kristo, kusangwa ekyo kyowene kwilhaba" (Abanya Filipi 1:23). Omukristo akiriraya erisyalholha oko'busu bwa Yesu, oyowamuholera ok'omusalaba n'erimuthongolya n'omusasi wiwe. Kirimu Abuyirire akamwibukaya ebinywa bya Yesu: "Simuleke emithima yenyu ikabya n'obulighe: Mwikiriraye oku Nyamuhanga, naghe munyikiriraye". Omo nyumba ya Thatha waghe muli ngonde nyingi; bithebitya, nganamababwira; kusangwa ngaya kokothaya ho wenyu, nasyaswasa, inabathwalha ewaghe; naho nyiri nyenyu ho mwasyabya" (Yohana 14:1-3).

"Ekyo eriso litheryalhangira, kutse eky'okuthu kuthekowa, kutse omuthima w'omundu sialyathaghanirya, ebyo Nyamuhanga abirikokotherya abamwanzire" (1 Abanya Korintho 2:9). Muna-kihugho sihali binywa kutse mubughe owangathoka erisobolha kutse erikangania olhukengerwa olhuli elhubulha olhulindirire abakakinda muna-kihugho n'abikirirye Yesu Kristo.

Omo kisozekanio kino ky'ikumi thukakangibawa erithwalhwa ly'omukristho muyiketherwa kandi owakwenene oyuli omwisi wa



Kristo. Malaika wa Mukama akasa erisyathangirira omthima wiwe. Akalinda erisubulirya Nyamuhanga y'omweyo owathunganene. Omweyo n'ekirimu bikaboholhawa erilhwa omo mubiri, ebyasuba eyiri oMuhangiki wabyo. Akalindirira n'obutseme embere sya Nyamuhanga, Mukama akamubwira athi: "Wasingya, mughombe mubuya n'omuyiketherwa, ingira omwitsema lya Mukama wawu" (Matayo 25:21). "Olhuholho lhwa 'babuyirire biwe ni lhwenzwere nene omo meso wa Mukama" (Zaburi 116:15). "Monowa omulenge akalhw'elhubulha athi: Usake eki: Omuyisa ali n'abaholi abakaholha omwisi wa Mukama eritsuka lino. Inga! Ekirimu kithi: Omuyisa kundu, ibathok'eriluhuka oko mibiri yabo, n'emibiiri yabo ikakwamabo!" (Eribisulirwa 14:13).

Wahemba, iw'ukasoma ekithabu kino, Nyamuhanga akuwathi aye uhe Yesu y'omuthima wawu, kusangwa akabugha athi: "Mwana waghe, mwali waghe, wumbe omuthima wawu. Tsiwaligha omuthima wawu mubuya akaheribwa n'erikwama esyongumbu nyibi, kusangwa ni bukiru ok'oyukayikethera omuthima wiwe. Wuleke ebibi byawu ukwame ekwenene, kusangwa "obuhingi bw'ebibi ni luhuholho, aliriryo erihitya buyira lya Nyamuhanga ni buyingo bw'erikotha omwisi wa Kristho Yesu Mukama wethu".

"Ukwame olhulengero lhwe'binywa ebisikire ebyowanyowako, omwikirirya n'om'olhwanzo ebiri omwisi wa Kristho Yesu" (2 Timoteo 1:13). "Kusangwa nyasi oyu nyikirye kandi nyasi ndeke kwangathoka erithaya ebyakanyibikaya erihika oko kiro ekyo" (2 Timoteo 1:12). Wuhimbe erikirirya lyawu oku Nyamuhanga, wusabe omo kaghalha ka Kirimu Abuyirire, wubye om'olhwanzo lhwa Nyamuhanga, "iwunemusamalira Yesu oyowatsuka n'oyo 'kandisyaberererya erikirirya ryethu, oyu-kasa-lhuba erisienda abandu biwe, Omwami w'abami, n'oMukama w'abakama" (1 Timotheo 6:15).

"Lino kwoyu kathoka eribatheya okwiyihinda n'eribahira embere syolhukengerwa lhwawe butsira bulema n'eritsema lingi, Oku Nyamuhanga mughuma musa, oMulhamya wethu busana na Kristho Mukama wethu, habye olhukengerwa, n'obukengwa, n'erithabalha, n'obuthoki, emuliro w'emighulhu yosi, na lino kera-na-kera. Iso-o!" (Yuda 24,25).

"Obuli mundu ukakolha ekibi ali k'olhubanza lhwirilholho; ekibi ni lholho".

“Munasi Kristho kwaminyikalibawa erilhusya ebibi, n’omwisi wiwe sihali ekibi”.

“Sihali omundu oyu wikere omwisi wa Kristho oyu kakolha ebibi; sihali omundu oyu kakolha ebibi oyuwabirimulholhako, kutse erimuminya”.

“Abana balere, simuleke mundu n’omughuma eribatheba. Oyukakolha ekithunganene athunganene, ngoko nayu athunganene”.

“Oyu-kakolha ebibi ini wa Sitani, kusangwa Sitani abirikalha ebibi okwitsuka ry’erimbere kyaleka oMughalha wa Nyamuhanga iniaminyikalha ni busana neriherya emibiiri ya Sitani”.

“Sihali omundu oyu buthawa na Nyamuhanga oyukakolha ebibi; kusangwa obubuthiranwa bwa Nyamuhanga buli omwisi wiwe”.

“Omweki abana ba Nyamuhanga baminyikere, na bana ba Sitani: Omundu-ndi oyuthekolha ekithunganene siwa Nyamuhanga, kutse oyu-thanzire mughalha wabo”.

(1 Yohana 3:4-10).

COPYRIGHT

ISBN 1 - 874934 - 12 - 6

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut etre obtenu en plus de 538 langues et dialectes parles dans le monde entier, a savoir: Afrique, Amerique, Asie, Extreme Orient, Europe. Notre Livre du Coeur est maintenant aussi disponible sur votre Telephone cellular, plaques, etc. de www.angp-hb.co.za ou comme une Application "Heart of Man" sur telephones Android.

Este livro "O Coracao do Homem" e obtido em mais de 538 linguas e dialectos falados em todo o mundo, a saber: (Africa, Asia, America do Sul, Extremo Oriente, Europa, etc). O nosso Livro O Coração do Homem tambem esta agora disponivel em telefone celular, tablets, etc. de www.angp-hb.co.za ou como um aplicativo "Heart of Man" nos telephones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent etre obtenues en tableaux de couleur, format 86 x 61 cm, avec des physionomies europeennes ou africaines. Ils peuvent etre utilises en meme temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas orações.



For free Gospel literature, books and tracts in over 538 languages, write to:

Pour obtenir gratuitement de la littérature evangelique, des livres et des traites en plus de 538 langues, écrivez a:

Para obter gratuitamente a literatura evangelica, livros e folhetos em mais de 538 línguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de littérature evangelique financée de dons

Missão de literatura Evangelica financiada por donativos

(Reg. No. 1961/001798/08)